

Sherwin Jacobs a entrega buki na Sr. Jossy Mansur



ORANJESTAD (AAN) --- E escritor Sherwin Jacobs

ayera a haci entrega di su buki mas recien, "Nunca ta

laat" na director di DIARIO Sr. Jossy Mansur. Un buki cu el a termina 2 aña pasa y cu awor el a imprimi y trece riba mercado.

E ta un storia basa riba un hoben cu a bira victima di presion hubenil y cu den un acto robez ta muestra di ta aceptable. Influencia di sociedad a haci cu e por keda den e mes un circulo malo cu poco speranza pa un mihor futuro. Como consecuencia un inocente ta paga. Por bini cambio y aki ta mira cu por supera pa un mihor bida.

Ta trata di un storia pa adolescente y adulto comparti opinion y dialogo den famia di literatura na papiamento. E mes ta bisa den su prologo cu "nos sa tuma custumber como ley y no ta pena mucho di e rikesa di nos logro. E masacre di e mata di fofoti a haci hoi hende consciente di su buniteza.

Asina tambe un diploma tin su balor ora bo realiza cu e ta algo importante pa bo futuro."